

DOMINGU XIV – TINAN A

Tema

Maromak nnia Liafuan ne'ebé liturjia Domingu da-24 Tempu Komún ne'e propoin mai ita ko'alia kona-ba perdaun. Nia aprezena mai ami Maromak ida ne'ebé hadomi hodi la kalkula, laho limite no sasukat; no konvida ita atu asume atitude hanesan ba maun no biin-alin sira ne'ebé, loron ba loron, la'o iha ita-nia sorin.

Evanjellu ko'alia mai ita kona-ba Maromak ida nakonu ho laran-di'ak no mizerikórdia ne'ebé suli iha nia oan sira nia leten - ho forma totál, laho limite no absoluta – ninia perdaun. Fiarna'in sira simu konvite atu deskobre Maromak nia lójika no husik atu lójika perdaun nian no mizerikordia nian laho limite no sasukat marka sira-nia relasaun ho maluk sira.

Leitura dahuluk halo klaru katak laran-nakali no rai-kunan mak sentimentu aat sira, ne'ebé la konvein ba ema nia ksolok no realizasaun. Nia hatudu oinsá la iha lójika atu hein iha Maromak nia perdaun no lakohi perdua maluk ida; no aviza katak labele estraga ita-nia vida iha rai ne'e ho sentimentu sira, ne'ebé hamosu de'it ksolok-laek no sofrimentu.

Iha *leitura daruak* Paulo sujere ba sarnai sira Roma nian katak komunidade sarani tenke sai fatin domin nian, respeito nian ba ema seluk, aseitasaun diferenza sira-nian, perdaun nian. Ema ida labele despreza, julga eh kondena maun no biin-alin sira ne'ebé iha perspetiva diferente. Jezús nia makturi sira tenke hanon nafatin katak iha buat fundamentál ida ne'ebé kesi ita hotu: Jezus Kristu, ita-nia Na'i. Buat seluk la iha importánsia boot.

LEITURA I – Sir 27,33-28,9

Livru Ben Sira nian (hanaran mós “Eclesiástico”), mak livru ida ho karáktek sapiénsia (matenek) nian, no hanesan livru hotu sapiénsia nian, hakarak aprezena reflesaun ida ho karaáktek práktiku kona-ba arte morsi di'ak no sai haksolok.

Ita iha sekulu II mK nia inísiu, elenizmu hahu ona ninia serbisu, iha sentidu katak sai ameasa ba kultura no valór tradisional sira Israel nian. Jezús Ben Sira, auóor livru ne'e nian, preokupadu ho degradasaun valór tradisionál sira ninia Povu nian no kredénsia sira ne'ebé, liuliu foin-sa'e sira, sei iha ba kultura grega. “Aman sira nia fiar: iha risku atu lakon eh pelumenus lakon sira-nia identidade.

Jezus Ben Sira buka atu aprezena sínteze ida relijiaun tradisionák no sabedouria Israel nian, hodi subliña valór judaiku nia grandeza no hatudu katak kultura judaika lakon ho kultura grega. Ba razaun ne'e, nia hakerek kompéndiu ida “sabedouria” nian. Nia hakrak hatudu ba nia kompatriota sira katak Israel soi iha “Torah”, ne'ebé Maromak raisk mak revela, “sabedouria” loloos – “sabedouria” ida superiór liu “sabedouria” grega.

Testu ne'ebé liturjia ohin nian propoin mai ita integra sesaun ida (kf. Sir 24,1-42,14) ihane'ebe Jezús Ben Sira buka hatudu katak “sabedouria” – Maromak nia kriatura, oferese ba ema piedozu sira (kf. Sir 1,1-23,38) – soi kampu espesiál ida asaun nian iha Israel, Povu eleitu Maromak nian. Sesaun ida-ne'e la soi estrutura klara no koerente: tema sira tutuir malu, laho orden lójika ida. Buat ne'ebé domina mak “norma” sira ne'ebé hanorin kona-ba komportamentusira tenke assume iha relasaun sosiál sira.

Nota ida ho karáktek práktiku: ita-nia testu mosu, iha parte boot versaun resente Biblia nian, ho número 27,30-28,7 no la'ós nu'udar 27,33-28,9. Iha komentáriu ne'e, ita konserva numerasaun

27,33-28,9 – ne'ebé apresenta iha “Leccionário Dominical”. Ninia diskrepánsia tanba testu “Leccionário” tuir versaun latina, naruk liu duké versaun grega ne'ebé serve nu'udar baze ba tradusaun resente sira Livru Ben Sira nian.

MENSAJEN

Jezús Ben Sira hanorin katak “sabedouria” loos la husik laran-nakali no sentimentu vingansa nian domina. Ema “matenek” (ida ne'ebé hakarak hetan ézitu no ksolok) mak ida ne'ebé iha kapasidade atu perdua ofensa sira no iha kompaixaun ba ninia saseluk.

Interesante relasaun ne'ebé estabese entre perdaun umanu no perdaun divinu: ema ne'ebé lakohi perdua nia maun/biin-alin, oinsá bele iha barani atu husu Maromak nia perdaun? Maibé mea ne'ebé perdua ema seluk nia ofensa sira, bele husu Na'I nia perduan ba nia falla rasik. Sékulu rua molok Kristu, judaízmu deskobre tiha ona katka eziste relasaun entre perdaun ne'ebé Maromak oferese no perdaun ne'ebé nia konvida atu oferese ba maun/biinalin sira.

Atu halo sai atrativu no impresionante liután ninia apelu, Ben Sira konvida ninia maluk sira atu hanoin kona-ba mate: “hanoin kona-ba ó-nia rohan no husik atu iha ódiu”... Iha realidade finál ne'ebé hein ita nia oin, sá loos sentidu rai-kunan nian, laran0nakali nian, vingansa nian ne'ebe ita halakan iha rai ida-ne'e? No ita bele, ho koerénsia hein perdaun finál husi

Maromak, se ita-nia moris ita hala'o iha lójika ódiu no vingansa nian?

Fundamentalmente, iha ne'e ita iha apelu atu troka lójika “matan ho matan, nehan ho nehan”. Atu ita-nia relasaun ho maun/biin-alin sira marka ho sentimentu perduan no mizerikórdia nian. Ho forma ida-ne'e ema kontribui ba ninia ksolok iha rai ne'e; no hosi asume lójika idane'e mak ema bele husu no hein perdaun husi Maromak ba ninia falla sira.

LEITURA II – Rom 14,7-9

Iha parte daruak Surat ba sarani sira iha Roma (ita haree ona iha domingu sira liubá), Paulo preokupa atu apresenta ba sarani sira Roma nian (no ohin nian) konjuntu ida attitude no valór sira-nian ne'ebé tenke marka vida pesoál, sosiál no ekleziál husi ema sira ne'ebé Maromak bolu ba salvasaun. Ne'e mak kontestu leitura daruak ohin nian.

Ita-nia testu halo parte períkopa ida (kf. Rom 14,1-12) iha ne'ebé Paulo fó indikasaun ruma kona-ba konduta hasoru membru seluk comunidade nian, partikularmente sira ne'ebé iha perspetiva diferente fiar nian no dalan sarani.

Paulo konsidera katak eziste tipu rua fiar-na'in sira-nian iha comunidade sarani Roma nian: “forte sira” no “fraku sira”. Grupu rua ne'e la refere ba klase sosiál (“riku sira” no “kiak sira”) eh ba orijen relijioza (“jentiú-sarani” no “judeu-sarani”) fiar-na'in sira-anian, maib'e attitude lahanesan kona-ba fiar... “Forte sira” (iha linguajen ohin nian, ita bele karakteriza nu'udar “progressista sira”) mak ema sira ne'ebé liberta ona an ho modu desizivu husi morisatan Lei nian no ritu sira no konsidera katak valór sira Evanjellu nian de'it mak desizivu iha dalan fiar nian. “Fraku sira” (iha linguajen ohin nian ita bele hanaran sira “tradicionalista”) mak sira ne'ebé tau ain metin iha lei sira, ritu sira no tradisaun antiga sira no sai eskandalizadu se ema hotu la assume valór sira-ne'e.

Karik grupu rua ne'e moris iha konfrntu ba malu, hodi provoka divizaun iha comunidade. Paulo la aseita attitude sira intoleránsiaeh desprezu nian. Ba Paulo importante liu diverjénsia sira mak respeitu ba maluk no konstrusaun fraternidade nian. “Forte sira” labele despreza ema ne'ebé la

hanoin hanesan sira; no “fraku sira” la iha direitu atu julga eh kataloga sira ne’ebe iha, kona-ba fiar, perspetiva seluk.

MENSAJEN

Vers.7-9 mak sentru períkopa nian. Fundamentalmente, Paulo fó hanoin mai ita hotu – ba “forte sira” no ba “fraku sira” – katak sira pertense ba Na’i: “moris ka mate, ita Na’i nian” (vers. 8). Ida-ne’e importante liu duke opiniaun partikulár sira kona-ba dalan atu tuir atu atinje objetivu hanesan. Fiar-na’in sira, molok husik atu fahe malu no haketak malu tanba kestaun sekundária sira (tipu hahán ne’ebé tenke han, festa sira ne’ebé tenke selebra, jejún ne’ebé tenke halo), tenke iha konxiénsia kona-ba esensiál fiar nian no buat ne’ebé halo sai ida de’it: Jezús Kristu, ne’ebé mate no moris hi’as atu fó moris hanesan ba ema hotu. Komunidade mak família ida feton naan nian, hadulas Na’i ida de’it.

EVANJELLU – Mt 18,21-35

Ita kontinua lee “diskursu ekleziál”, ne’ebe hakonu kapitulu 18 tomak Evanjellu nu’udar Mateus haktuir.

“Diskursu” ida-ne’e soi nu’udar pontu hahú nian “instrusaun sira” ne’ebé Marcos apresenta kona-ba vida komunitária (kf. Mc 9,33-37.42-47), maibé Mateus haluan ho forma signifkativa. Destinatóriu sira diskursu nian mak dixípulu sira (iha realidade Mateus pretende, liuliu, atinje membru sira comunidade sarani nian ne’ebé nia diriye Evanjellu ne’e).

Iha testu ne’e nia kotuk, ita bele haree hetan comunidade ida ho tensaun no konflitu sira ne’ebé sai ofensa pesoál no susar liu atu perdua.

MENSAJEN

Ukun-fuan perdaun nian la’os buat foun. Katekista sira Israel nian hanorin atu perdua ofensa sira no la rai horus hasoru maluk ne’ebé halo falla ruma. “Mestre” sira Israel nian konkorda katak obrigasaun pedua nian fó ba de’it membru sira Maromak nia Povu nian (inimigu sira la inklui iha dinámika domin no mizerikórdia nian). Diskusaun boot kona-ba número limite atu perdua. Ema hotu, inklui sira ne’ebé ezijente liu to’o sira ne’ebé laran-sadia liu, aseita katak perdaun iha limite.

Jezús envolve iha problemátika ida-ne’e. Pedro, porta-voz comunidade nian, konsulta Jezus kona-ba limite perduan nian. Nia hatene katak kona-ba ne’e, Jezús iha ideia radikál no karik nia hakarak perdua nafatin (“to’o dala hitu?” – vers. 21: número hitu, iha kultura semita, indika “totalidade”).

Jezús hatán katak la’ós tenke perdua nafatin maibé, ho forma laho limite, totál, absoluta (“hitunulu dala hitu” – vers. 22). Tenke perdu anafatin, ba ema hotu (inklui funu-baluk sira) no laho rezerva, lalatak eh prevensaun.

Iha kontestu ida-ne’e no iha lójika perdaun ida-ne’e mak Jezús propoin ba dixipulu sira aikanoik ida (vers. 23-35). Ai-kanoik ne’e apresenta kuadru tolu.

Kuadru dahuluk (vers. 23-27) tau ita iha liurai nia korte: funsionáriu liurai nian ida, bainhira atu apresenta konta ba nia na’i, hatudu katka nia la iha kbiit atu taka nia tusan sira. Na’i fó orden atu nia no nia família faan tiha nu’udar atan; maibé haree ba nia atan nia haraik-an no submisaun, na’i husi atu sentomentu mizerikórdia nian domina nia no perdua noa tusan. Buat

ne'ebé halo ita hakfodak mak montante boot liu: talentu rihun sanulu (talentu ida mak osanmean/mutin 36 kg). Ne'e atu hatudu na'i nia mizerikórdia.

Kuadru daruak (vers. 28-30) haktuir oinsá funsionáriu ne'ebé esperiemnta nia na'i nia mizerikórdia lakohi perdua nia maluk ne'ebé deve denáriu atus ida (denátiu ida ekivale grama sanulu osan-mutin nian no ne'e mak pagamentu loron ida nian ba operáriu la espesializadu. Denáriu atus ida korresponde ba kuantia insignifikante ba funsionáriu boot ida liurai nian).

Bainhira kuadru rua tau iha paralelu, ita haree katak proporsaun tusan nian ne'ebé lahanesan maka'as tebes, nune'e mós atitude no sentimentu na'i (ho kpapasidade atu perdua laho limite) no funsionáriu nian (la iha kbiit atu konverte an ba lójika perdaun nian, maski nia rasik koko ksolok simu perduan).

Diferensa komportamentu no lójika ne'e mak rezulta kuadru datoluk (vers. 28-35): maluk sira seluk funsionáriu liurai nian, hakfodak ba ninia ingrátidaun, informa liurai kona-ba buat ne'ebé akontese; no liurai, eskandalizadu ho ninia funsionáriu nia komportamentu, fo kastigu todan ba nia.

Ai-kanoik ne'e mak uluknanai katekeze ida kona-ba Maromak nia mizerikórdia. Nia hatudu katak Maromak nia perdaun la iha limite, totál no absolutu.

Ai-kanoik ne'e konvida mos atu analiza ita-nia atitude no komportamentu sira hasoru maunalin sira ne'ebe la'o sala. Nia hatudu oinsá iha kapitulu ne'e, ita-nia lójika dook husi Maromka nia lójika. Ita, hasoru maluk nia sala, maski ki'ik liu, ita hatudu laran moras no kanek maka'as no, foti no dala barak foti atitude vingansa nian, sinál momoos katak ita seidauk interioriza lójika Maromak nian.

Ikusmai, ai-kanoik hanorin mai ita katak eziste relasaun ida entre perdaun Maromak nian no perdaun umanu. Mateus sujere katak Maromak nia perdaun sai efetivu de'it ho kondisaun se ita aprende perdua ita-nia maun-alin sira? Buat ne'ebé Mateus dehan mak, iha komunidadade sarani tenke funsiona lójika perduan laho limite: se ida-ne'e mak Maromak nia lójika, idane'e mós mak tenke sai ita-nia lójika. Buat ne'ebé Mateus sujere mak se ita-nia fuan labele tuku tuir lojika perdaun nian, sei la iha fatin atu simu mizerikórdia, laran-di'ak no MAromka nia domin. Halo esperiénsia kona-ba Maromak nia domin nakfilak ita-nia fuan no hanorin ita hadomin ita-nia maluk sira, sira ne'ebé ofende ita.

Kona-ba kastigu ne'ebé Mateus ilustra ho maka'as, ne'e mak estilu semista atu sublina lójika perdaun nian. Urjente tebes lójika perduan nian atu harii realidade foun domin nian, fraternidade nian –realidade Reinu nian.